

寧國府志卷十三

輿地志

古蹟 下

寧國縣

周孔子井

在縣南百里方輿志云孔子入吳所鑿

輿地紀勝縣南

一百一十里按地輿志云舊吳興郡安吉縣南界道傍有小

井乃是孔夫子入吳時鑿此井今屬寧國縣

太平寰宇記

傍有戈

塘去井不遠章樞密夏云當作過蓋取孔子經過之意

旌川志

按史記孔子世家及家語等書孔子并未嘗入吳舊志所

云已屬無稽而以為在此鑿井尤為附會不足信第諸書

寧國府志

卷十三

輿地志 古蹟下

一

相沿已久今姑存之

孔子堂又名過堂

過堂在縣西五里世傳孔子曾過此因

名然無考據不足信

洪武宣城志

孔子堂縣南一百里堂下有馬

跑泉相傳夫子遊吳時至此後人建堂紀其事

康熙府志

縣東北二十里宋處士吳晦之詩云滔滔衰世難行道歷聘

諸侯幾十年試向荒祠尋舊跡一浚堂下馬跑泉浮梁李椿

年與朱紫陽同學宋紹興中任寧國縣嘗率諸生講學於此

乾隆府志

按堂既以孔子經過為名應與井近惟康熙志云縣南百

里與寰宇記輿地紀勝所載之井不遠其說良是而謂縣

西五里縣東北二十里者或後人更附會為之非其舊也

夫子巷 縣南門內乾隆府志

孫吳懷安古城 在縣東南一百里地理志吳分宛陵之地置

屬丹陽縣按縣應作郡字至景帝時屬故鄣郡晉太康二年屬宣城

郡梁承聖中屬丹陽郡至陳天嘉五年廢入宣城縣太平寰宇記

在寧國縣東四十里方輿志云吳大帝分宛陵置至晉永嘉

廢入宣城輿地紀勝縣東南百里舊志云縣南四十里誤漢劉聰

封晉愍帝為懷安侯即此

寧國故城 在寧國縣南十三里三國吳置隋省唐復置大

清一統志宣州寧國縣西北至州一百十里元和志

寧國府志 卷十三 輿地志 古蹟下 二

晉瞿硎石室 何法盛晉中興書云有瞿硎先生不知姓名住

宣城文脊山太平寰宇記縣西三十里文脊山中山有門一名山

門洞瞿硎先生隱居於此洞有瞿硎因以自號桓溫嘗造訪

見先生披鹿裘坐石室神色自若溫異之乃命伏滔作頌康熙

府志舊志云石門高敞車馬旌旗可過西南有龍洞乾隆府志

黃顏石室 在縣黃顏山頂可容數百人相傳晉永嘉中黃

顏修煉於此江南通志

麻屯里 縣北三十里延慶寺西俗曰麻屯寺或云趙將麻

秋嘗過此屯兵因指其地曰此麻胡屯處也是則西晉時所

遺名云按舊志寺在杜水之東潯水之下傍有石洞龍藏其

中又有何公釣磯宋秘書何公嘗隱此著有落花吟余珊題
云砌臨石馬一溪樹簷列金鰲萬疊山乾隆府志

唐藏馬洞 縣西八十里塵嶺之巔世傳唐汪華藏馬處康熙府志

望霞臺 在縣西五里高十三丈週迴二十八步唐貞觀中

縣令榮陽鄭氏所立今廢洪武宣城志

王梅嶺 縣北三十里唐咸通中益公嘗講法山巔羣虎伏

聽居人駭異因建通靈菴居之宋王梅禪師來此成果嶺以

是名又曰王公道場按舊志通靈兩峯對峙南曰桃尖嶺北

曰望仙嶺人方之錢塘二高峯下有清泉洞又曰豺狗洞乾隆

府志

寧國府志

卷十三

輿地志 古蹟下 三

杪樾樹 按雲屋和尚集註云舊志千頃山唐楚南禪師道

場有杪樾樹一株花開時香聞十里雲屋詩杪樾尋未見風

動荻蘆聲同上

羅隱題詩石 縣東三十里女兒山古有神女羅隱題詩鐫

石蹟至今存同上

石鏡 縣西百里石鏡山光可照人黃巢過此照其狀如猴

怒燔之石光久乃漸復汪尚書澤民有詩康熙府志

柱石 縣西七十里石巨如柱乾隆府志

石鼓 縣西九十里石如鼓天雨輒鳴康熙府志

石嶺 古關塞邑北險隘方致堯戰戚方何通泰戰紅巾賊

俱阨於此乾隆府志

烏石城按洪武志作烏石舊縣舊府志作舊城 縣南九十里地名烏石城基

并城隍廟址猶存世傳南唐於此立縣今不可考洪武宣城志 烏

石舊縣城在縣南九十里懷遠鄉十二都地名烏石寧川志 在

寧國縣南九十里南唐時築以備吳越大清一統志

千僧井 崇因寺舊傳寺有井供千僧汲大旱不竭梁宋以

來尚存傍有駐馬墩千佛塔寺址二山雌雄相接其山盡處

有太子殿不知所始乾隆府志

宋齊雲亭 縣東南山門宋梅堯臣與宣城簿張獻民刻詩其

上名人題咏頗富乾隆府志

寧國府志 卷十三 輿地志 古蹟 四

十松亭 縣署東有沈括詩同上

化洽亭 在縣治東南唐乾寧中建大清一統志 乾寧中令范傳

真建沈顏有詩乾隆府志

虞璠宅按舊府志作虞侍郎草堂 在縣南五里璠宋侍郎虞儔父也隱居

於此江南通志

萬卷堂 在縣南三十里琴山下宋乾道中楊秉讀書處故

人湯鵬舉入參大政印國子監書籍遺之藏其中大清一統志 又

有玉書案百硯閣今廢汪雨公述樓草註秉嘗集弟子百餘

人講學於此舊址俱存又吳隱君道山側亦有萬卷堂遺蹟

乾隆府志

雲梯奇石 石有六種犂牛石烏龜石碁盤石香爐石響石
鏡石宋淳熙間三衛人題名

叫鐘 縣北三里教忠寺前一坑人見白霧昇天指爲祥兆
因以坑爲井汲水相傳有鐘飛鳴而來僧取水見之遂墜於
河至今浪起隱隱有聲俗因呼曰叫鐘寺今名教忠從其音
釐之正也

元趙子昂石刻 縣東式嶺普惠菴有南無釋迦牟尼佛七字
大如箕旁註宋宗室趙孟頫書

晚節亭 縣西百里元末處士王子昌建舒頌記

明北樓 縣署後卽舊北城樓明太祖南征入城塞之以拒元

兵後遂長閉嘉靖丁未知縣范鎬加築傍有三古木皆數十
圍藤蘿樛纒相傳有靈蛇長數十丈夜出飲人或見之

飲福樓 縣東門外

留雲樓 縣西白雲山巔危樓孤聳下俯平原數十里清流
澄澈蕭郡守有詩

洞門 縣東百二十里石山對峙下臨石洞傍有小徑僅可
捫壁行相傳會元楊邦彥自紹興隱此仙宗彙記仙克謹有
詩

將軍四山 縣東百十里俗傳巖巖將軍四山朗山青山北
姑峯巖山仙克謹有詩

仙鷲洞 縣東南六十里中可容百餘人昔避兵於此全活甚眾

稅課司 縣西門外正德間省

鐵圈井 奉聖寺右古井一所上有鐵圈明正德間造按舊志宋平章事何執中欲以舊址爲塋墓時有謠曰頭靠山門脚踏水門當坐朝端要葬此墳謠傳而羣議起卒不果

國朝後樂園 縣署東廳知縣馬光置傍建琴臺汪作霖詩東壁琴臺芸走蠹卽此又後樂園甃涑水磚光號涑水故名

西坑勝境 縣西二十里有永侯廟徐氏祀之

宜秋署 陳王策建後卽十松亭遺址

寧國府志

卷十三

輿地志 古蹟下

六

省農亭 在城北知縣李錦建

宣詔亭 縣治前

頽春亭 縣治前

醒痴亭 縣治儀門東

息氣亭 縣治儀門西

森秀亭 在城北

耕綠臺 縣後廢

轉山堂 縣後廢

存留倉 縣治儀門西

東察院 縣東今廢

寶陀巖 縣東北百里飛泉迸下其聲如雷

丁仙巖 縣西南七十里

楊龍巖 縣南百里石洞深邃可容百餘人天光下燭中有

泉飛瀉

羅漢竹 縣西一百十里石鏡寺前有羅漢竹十八竿每一

竿生則一竿枯竹下有龍潭湧泉

港口故城 舊志失載今按港口韓家橋北尚有磚街十餘

丈以上並乾隆府志

旌德縣

漢楚王城 在縣北一百里相傳吳楚相拒時築又有故楚城

寧國府志

卷十三

輿地志 古蹟下 七

在南湖北岸大清一統志

九龍觀 舊傳漢永平九年地湧九泉因穿九井元一統志

丹井 寶真人煉丹井七所在東門外高嶺舊有寶真人祠

今已燬井亦堙沒不存旌川志

巨人跡 在縣東鳧山又有馬蹄石搗藥臼龍潭石相傳寶

子明女化青鳧飛去在此江南通志

晉安吳縣城 在縣西十五里輿地紀勝俗稱沙城顧野王輿地志

云晉縣也屬宣城郡北至郡一百九十里地有寒泉盛夏婁

然嘉定宣舊志云在今縣北三十五里地名古城有孔子寺

路傍有碑字漫滅不可讀以墨本細觀惟一二學字隱隱可

見類三國時隸書

旌德縣志

按江南通志以安吳城在涇縣而輿地紀勝及嘉定志皆云在旌德今考安吳城本有二一三國吳之故城一唐初重建之故城也屬旌德者是唐初重建之故城今三溪韓家村相近又有土名官倉邊官塘猶安吳舊蹟云

桓公城 在縣北五十里地名蘭石九域志云桓公晉左司馬也按晉書桓彝傳彝爲宣城內史當蘇峻之亂進屯涇縣遣將軍俞縱守蘭石峻使其將韓晃攻之縱敗左右勸縱麾軍退保縱曰吾受桓侯厚恩誓以死報吾之不負桓侯猶桓侯之不負國也遂力戰而死今蘭石有俞將軍墓石人石馬

寧國府志

卷十三

輿地志 古蹟下 八

猶有存者桓公後又爲涇之土神宋勅封英烈王縱封靈惠

侯

洪武宣
城志

按桓公城諸舊志俱載入涇縣卽洪武志於涇縣亦載之以其地向屬涇後改屬旌而書相沿未改爾攷舊縣志云旌自唐時始置縣晉時邑與蘭石俱同屬安吳後省安吳入涇又析涇置旌邑今蘭石距旌西北窄溪土名蘭石坑在倪家村西與涇交界有俞將軍墓碑涇縣知縣陳大綬旌德知縣張時獻同立則當日桓公設城命縱拒守亦卽在此無疑蓋由旌本涇析而蘭石坑仍距涇境不遠故洪武志兩載之今亦兩存之

蕭梁南陽廢縣

在縣西北梁置屬宣城郡

江南通志

火井 縣東十五里玉壺山相傳為竇子明指玉壺飲滕公

之所宋縣尉劉誼詩云飲客指玉壺煉丹燒火井

康熙府志

按舊志載子明為晉人攷劉向列仙傳已有陵陽子明事

其為漢人無疑至此飲滕公事誠屬無稽而舊志附會之

者其意以去晉時不遠也

滕慶和宅

按舊府縣志皆作滕丞相故居

即縣會勝寺梁丞相滕慶和居

此後捨宅為寺

江南通志

在十三都宋太史襲明鳧山事始記畧

云予過會勝寺有僧義聰年八十二問其事之從始則曰乃

梁代丞相滕慶和居是山也時有獨覺先生者來栖托館舍

寧國府志

卷十三

輿地志

古蹟下

九

三載一旦思去因與滕登山指石叱之曰為分裂中有酒壺

挹而飲滕并及其族人無少長均與之飲酒亦隨罄慶和異

之曰先生奇士也愧不能早辨識及行握手語曰爾後必貴

因問以再見之期先生指鳧山之陽曰吾居也可於彼相見

後于山陽見古廟像如先生焉未幾滕以白衣入仕為鎮國

大將軍卒相梁尋捨宅為寺今石上猶有酒壺遺跡時人謂

之玉壺臺亦是邑之勝概也

旌德縣志

歃血壇

按舊府縣志壇作臺

在縣西六十里石柱山側世傳梁武帝

時新安程靈洗將兵趨姑孰道過其下率眾登山築壇歃血

誓平侯景

洪武宣城志

歃血臺在縣西射的山

旌川志

按築壇歃血事多附會但考梁書侯景傳遣儀同來亮率
兵攻宣城內史楊華誘亮斬之景復遣其將李賢明討華
華以郡降又曰景制命所行惟吳郡以西南陵以北而已
又考陳書程靈洗傳侯景之亂靈洗聚徒據黟歙以拒景
景軍據有新安及靈洗攻下新安遂領新安太守由是下
揚州戰石頭鎮采石後又云兼丹陽尹出爲高唐太原二
郡太守仍鎮南陵是靈洗之征侯景始于黟歙由黟歙以
至揚州石頭等處固必道過旌德後人遂附會而爲此說
然尚非漫無據者

旌德舊縣 卽今旌德縣治 大清一統志 宣州旌德北至州二百

寧國府志

卷十三

輿地志 古蹟下 十

三十里本太平之地以縣界濶遠永泰中招討使袁修奏分

太平置縣 元和志 永泰中割太平九鄉置縣冀其邑人從此被

化故以旌德爲名 寰宇記 縣舊無城元至正末紅巾賊犯縣治

焚毀殆盡明嘉靖三十四年倭奴直入縣治嗣後始議剏築

縣志

唐厚儒洞 上涇鄉唐寶應間王萬敵據此聚眾作亂招討使

袁修討平之 乾隆府志

按此洞卽宣城之後如洞其事與此同蓋後如與厚儒同

聲雖分載兩處其實一地耳

太和六年刻漏秤上識文 在鼓角樓 輿地紀勝

孔子寺 在縣西三十里咸通五年呂康年捨宅爲寺先有

孔子祠堂呂氏既捨宅爲寺卽以孔子祠堂爲佛殿故曰孔

子寺輿地紀勝

南唐石子寨 在縣西三十里南唐將方道項按舊府志無項字洪銳

嘗屯兵於此銳後從查文徽按舊府志作輝討王延政有功家藏誥

勅存焉嘉定宣

嚴可求故居按舊府志作嚴尚書故居在旌德縣北大清一統志十四都嚴

家邊嚴可求避徐溫之禍與郭少保隱居於此乾隆府志

郭仙巖按舊府志作郭公巖在太平鄉新建之東山相傳昔郭仙

翁隱居之地後乘白鶴仙去至今石壇搗藥臼猶存傍刻真

寧國府志 卷十三 輿地志 古蹟下 十一

珠泉三字周令道卿立洪武宣縣西三十里正山郭公隱居

之所其陽有玉井巖旁鑄真珠泉三字又前有銀屏亦有刻

不可辨諺云正山巍巍接星斗分別岡巒九十九康熙府志

宋漏澤園 資福寺前有石級上立雙柱扁曰漏澤之園宋崇

寧二年詔曰人物蕃庶貧無以葬或委棄道旁寄留僧舍甚

可憐憫州責之縣爲置葬地康熙府志

景呂堂 在旌德簿廳以中丞呂誨曾爲此官致景慕意輿地

紀勝宋紹興中主簿郊升卿以呂誨嘗爲此官故名大清一統志

製錦堂 縣令齊慶胄建乾隆府志

方舟亭 縣令齊慶胄建方舟又名讀書林同上

愛山亭 主簿陳有容建鄒補之記 同上

重翠亭 西有井名曰鹿飲導泉鑿池立亭其上曰潔塵或

謂擷園中茶烹以鹿飲香韻特異 嘉定宣 城志

延月亭 與重翠亭俱縣令金與建 乾隆 府志

度香亭 後易名野航 嘉定宣 城志

清心亭 新壯開豁為諸亭之勝 同上

悠然亭 與清心亭俱縣治西 乾隆 府志

萬翠亭 宋姚司戶建宣城尉崔起之有詩 同上

棲真驛 縣南令李瞻建 同上

得初軒 取韓文公讀書齋詩出宰山水縣讀書松竹林蕭

寧國府志

卷十三

輿地志 古蹟下 十二

條援本事解后得初心 嘉定宣 城志 何湛建又名偃室 乾隆 府志

山莊佳趣亭 舊有茆屋數椽曰山莊 嘉定宣 城志 縣令莫澤建

乾隆 府志

閣古堂 廟首西宋淳祐間呂涇致仕歸理宗御書閣古二

字勅樞密院程元鳳為文賜之涇歸扁於堂 乾隆 府志

監書閣又名山光書樓 在新建汪文諒建以貯所賜書胡

安定先生詩山光入書樓見藝文志 康熙 府志

仙姑壇 按舊府縣志皆作臺 在縣西南五十里上涇鄉柵山傍昔有

呂氏女結庵學道於其上後仙去 洪武宣 城志

浙米池 在新建玉虹橋畔宋汪氏十世共爨浙米池 乾隆 府志

聖母池 在岳祠水清而漪旱潦不盈虧邑人每以紙錢擲其中視浮沈之遲速以決災福或有投銅錢者每歲嶽帝誕辰有洵池會人情甚敬旌川志

汪少師故居 在新市溪卽十世同居之所乾隆府志

鍾諫議故居 太平鄉鍾汪村上同

方將軍故居 上涇鄉歸化里卽今廟首獅山下同上

白龍潭 鳧山潭上有石臺高數百丈宋丞相劉義溫題白

龍潭三字石上潭旁石又有仙人仰卧蹟草履蹟長數尺康熙

府志

薔薇塢 在縣東傳者謂狀元劉輝留此授業今在東山旌川

寧國府志

卷十三

輿地志 古蹟下 十三

志

狀元石 在新建里東山之溪狀元劉輝因游汪氏義學嘗浴於此故時慕其魁多士而名之同上

元王太尉亭 在柳山十里牌之原今址猶存旌川志

安樂堂 縣東南二十步令王楨建乾隆府志

甘露王殿 在梓山之絕頂邑人精潔致禱歸嚮虔誠者則

現天燈人皆見之至元二十一年邑人於峯之南福山重建

廟幾三十楹塑像祠祭焉旌川志

縣鎮營 王楨建乾隆府志

小嶺山寨 十九都元末紅巾賊鍾富一作亂扎營寨頂元

官額差亦憐真統官軍及本縣義兵討平之同

禮賓館 縣南令單執中建同

明均役義倉 縣東縣丞陳賢建

濟農倉 正統間縣丞李鵬建

稅課司 縣東三十步

洪源塔 下洪溪高一十九丈廣六丈四尺嘉靖癸亥里人

芮氏建

鯉洲 在新建溪流環繞鯉魚上下游泳生生不息山水迅發亦不隨波而去溪中有五指石宛如手掌宣城湯賓尹施閔章俱有詩

寧國府志

卷十三

輿地志

古蹟下

十四

督學察院 縣北門內明知縣宗敦一建提學按臨試徽寧

兩郡生童康熙壬寅奉文臨府遂傾圮

西察院 縣西今改為營房

清風亭 縣北三里與南七里舖及東后妃嶺三處覆蓋皆

石相傳俱魯班同日時造亭額筆力清勁宣城高維岳題晉

江張瑞圖書以上乾隆府志

慶福菴 在縣西四十里涇溪之陽明季時建歷久傾圮乾

隆間呂運鎬裔因舊址重建更規樓閣為涇溪村屏障焉採訪

冊

國朝雙瑞堂

即清風堂故址在縣圃中

乾隆府志

閱武堂 尉司西同

英萃堂 廟首呂運泳建面臨石柱襟帶玉溪陽羨儲太史

大文授經之所題曰成公世學旌德志

聚奎樓 在陽下溪姚明德後裔建同

鐘鼓樓 縣治東乾隆府志

會文所 廟首玉溪北上涇橋呂瑞建每月合族人士會文

之所宜興儲會元大文題曰蓬山雄筆旌德志

鴻文閣 十八都孫村水口橋側汪若海建傑閣飛甍迴廊

復屋備極宏麗前有方池樓閣倒影其中堪以遊日每月聚

族人會文於此郡守宋敷有記同

寧國府志 卷十三 輿地志 古蹟下 十五

田氏義塾 在十七都三溪田氏祠傍一名經畬館又名溪

東書屋置田五十畝為延師脩脯子弟膏火之貲邑侯蘇一

圻有記同

德山觀 縣西四十里剏建未詳舊傳有道藏今遺散乾隆府志

白山書屋 廟首呂瑞建飛樓連房高爽紆曲胞兄瑛題其

堂曰敬修涇川陳桂齡講學於此旌德志

翠雲齋 白地王奕華建喬松垂蔭名花滿園金竹山人呂

周藩有記同

園林書齋 廟首呂運濬建孫輝祖延名宿常州黃鐘訓課

子弟同

萃石居 下洪溪金竺岡呂仲燈建岡巒蔚起棗木成林
石羅列倚伏欹斜莫可名狀邑侯鄭夢馨有記同

奇石仙桃 在縣境去資福寺二十步許石澗有桃樹不花

而實兵備使郝璧設亭於此江南通志

眞武石 白砂村東石高數丈如人端坐左有巨石卧伏如

龜石有土龍蜿蜒如蛇故名乾隆府志

松竹林 在縣西四十里涇溪邨其地向有古松五株翠竹

一畝里人呂運鎮因園之講書舍十數間于其旁卽取園中

松竹名之以爲族人講學之所採訪冊

修立軒 在一都桂林白沙程本誠建東西兩金山環抱聳

寧國府志

卷十三

輿地志 古蹟下 十六

秀興雨興雪兼擅其勝并置書田俾後裔奮志潛修者肄業

於茲旌德志

存園 朱旺村水木清華圖書富有明經朱士海督課子姓

於此同上

慶松亭 在縣西四十里涇溪之陰里人呂德性建亭臨溪

水軒敞絕塵旁有大松枝幹蒼古因以名亭採訪冊

涇南書屋 在涇溪村之南里人呂德性建鑿池數畝沿池

叠築樓閣備極名勝皆自繫以詩桐城葉太史酉曾爲序之

性將延師講學未遂其志而卒然其勝跡尚存

黃澄潭 在十四都爲湯村喬川諸水所會深邃無底與天

井山龍鼻泉通近潭奇石聳秀向有樓閣明時里人湯帝臣有題閣詩

龍鼻 在天井山巨石巉巖俯臨溪中有兩孔水從中噴出下注深潭故又名牛鼻孔

蟾磯 在藁口溪福成橋下數十步外石高可三丈餘爲縣東諸水關峽

石硯 在喬亭村口有石如硯細膩晶瑩其光可鑿硯口常有清泉蓄注大雨不濁大旱不竭上有石峯聳立土人稱爲文筆投池

漱潤軒 在縣西四十里涇溪村里人呂發柳建延師課徒

寧國府志

卷十三

輿地志

古蹟下

十七

廣儲經籍新安朱比部文翰過此名之

圖南閣 在十四都湯村之西北里人湯金則建金則素尊文士因建此閣延師講學其中厥後其子雁橫卽此授徒鄉里賴陶成焉

魁星樓 在十八都禮村劉姓建高出眾屋以爲一村之鎮又可望遠登眺者甚眾涇邑趙舍人良壽有記

以上採訪冊

天井灘 白砂村西潭水極深砂漲則歲豐砂退則歲歉里人以此卜之屢驗

旌川驛 縣南三十步

監務廳酒稅務 縣東三十步

內新倉 縣南街前

烏嶺巡檢司 縣東烏澗嶺

盤詰關 在三溪鋪以上乾隆府志

太平縣

漢竇真君馬迹石 在縣有馬迹石孔見存舊傳竇真君垂釣

於此輿地紀勝得白魚剖其腹得丹篆靈符因此得道石高一丈

餘馬蹟入石深數寸當潢潦漲溢此石不沒若浮於水面亦

一異也洪武宣城志

白鶴池 在長壽鄉水北仙壇側有煉丹泉皆存乃竇真君

子明遺跡子明與弟子安遊本縣至地名各道別去宋中書

寧國府志

卷十三

輿地志 古蹟下 十八

舍人王鎡作仙壇記仙壇屬石埭縣界其丹臺丹泉亦惟鶴

池接縣界同上

唐太平故城 在縣北大清一統志縣東北至宣州二百八十里天

寶四載太守李和上奏割涇縣西南十四鄉置元和志宋時有

城周一里二百十步縣志

赤溪 在龍山鄉赤坊廣嚴寺側世傳貞觀中左難當葬于

此神龍墓有赤氣衝天州縣以聞勅下鑿斷山脉時山嶽流

血者八里溪水盡赤因名同上

袈裟池 在黃山翠微寺內相傳唐僧麻衣浣袈裟處池水

長清不濁乾隆己酉夏暴雨蛟發山水泥漲衝湧寺內與池

水平而池水澄清如故

採訪册

獅子石 在道秦鄉清潭灣河中有石如獅子搏球形勢畢

肖石中一潭圓似鑿空水碧如油相傳呂純陽過此坐是石

飲酒賦詩石上刊有字跡惜為漁樵剝爛祇石上爐竈猶存

邑宰劉元凱曾賦有愛水心偏遠觀山眼更青之句

同上

宋熙樂亭 縣東南宋嘉祐間知縣孫覺建自記明嘉靖乙巳

知縣劉元凱徙建縣北重興寺前邑人御史崔涯記

乾隆府志

六勸亭 在縣東南五里松巖寺宋治平初周景賢置作文

以勸斯民其書一曰行孝弟務農桑向儒學興廉遜崇信行

近豎藥為條有六

輿地紀勝

瓊仙井 涇陽鄉漣溪東山下荀域記黃庭堅跋

康熙府志

紫陽題石 在縣長壽鄉獅山下有平石丈餘朱子過訪孫

覲題陰秀二字勒其上

江南通志

硃砂溪 水出黃山疊嶂峯陰坑源流入白雲溪逕白龍潭

滙此松谷禪師結菴潭外一里許有石誌云橫也三十六豎

也三十六再過三十六却來問松谷

康熙府志

太公釣魚磯 在縣長壽鄉水北有盤石昔有老人垂釣於

此

輿地紀勝

義塾 焦村坎下宋主簿焦自明建延名儒司教遠近子弟

來學者膳費紙筆咸給之

乾隆府志

五里埕 縣西金雞山下勝果寺前宋紹興七年邑民程進得泗洲僧伽像異而祠之又為佛埕侍郎呂廣問撰記建炎兵亂像記俱燬其埕今存康熙府志

白龍潭 在黃山芙蓉峯下去縣四十五里即黃帝煉丹之處宋末里人有張松谷者世業儒幼聰敏博學元至元辛巳游池陽館于大通鎮許氏忽悟養真之術遂歸棄家隱于是辟穀修煉不數年而道成凡人有病告之即掇為藥而授之無不愈天時亢旱官民致懇松谷默禱潭上風雨即至其後道益顯積五十有六年一日命侍者具紙筆書偈云只有人難做人盡得麼這漢實風流世人識不破唳鐵牛鞭向四

寧國府志

卷十三

輿地志 古蹟下 二十

禪天金身已寄千花座俄頃坐逝居民即其地造石浮屠於其中所謂松谷庵是也自今水旱疾疫有禱必應洪武宣城志

宋城 縣北世傳有通津寧遠承流宣化四門康熙府志

元芙蓉亭 黃山芙蓉峯下尚書汪澤民記乾隆府志

雲松樓 在黃山麓汪公仲建汪文節公澤民來遊嘗憇其上吟咏甚多太平志

金谷 殿撰焦煥爰別墅春日鶯梭如織汪文節公聯云一谷鶯聲諧律呂四時花色譜文章同上

雙瑞書院 在孫氏村元至正九年孫若金若滿同登進士

汪尚書澤民題雙瑞額贈之今存康熙府志

水竹居 溪西焦叔華建中有溪圃花竹焦煥爰題其楹曰
花分先後留春久地帶東西得月多 康熙府志

盤所樓 元進士杜國賢建丞相伯顏躍里帖木兒領兵過
假宿于樓大書盤所樓三字併詩贈之 乾隆府志

永濟存留倉 縣治東元移置縣前壬辰燬於兵 同上

明龍鎮石 在長壽鄉襍溪之東北有龍光塢下臨深潭谷夏

澄澈號龍光潭一號麒麟潭其石高二丈餘世傳有龍鎮之

溪水瑩白最宜造紙 洪武宣城志

龍光塢 縣西六十里麒麟潭東北 乾隆府志

大山石坎 縣西七十里涇陽鄉高十餘里頂名雲龍峯嘉

寧國府志

卷十三

輿地志 古蹟下 三

靖間王道人居焉今有一坎在山頂大石上深止三寸許大

旱弗乾相傳是道人飲汲之所 太平志

西山峰禪院 在焦村峰秀如畫上有西山峰禪院每朝暮

烟霏霧結如黃嶽鋪海文待詔徵明嘗憇此題曰天光雲影

同上

喜雨亭 隆慶元年六月旱推官葉逢春禱于仙王山得雨

父老因建此亭侍御崔涯記 乾隆府志

勸農亭 水東園明知縣張廷榜建有碑今立汪公像 同上

版石潭 朝宗門外里許一片平石坐可百十人先賢遊玩

題咏多刊石上惟雲鶴劉公一詩鐫刻之石橫直丈許色甚

白異於餘石咸稱勝蹟太平志

石岡亭 縣南十里望仙鄉有石磊磊數百步如虎豹蹲如

戈戟列環以奇松朝暉夕陰有亭歸然其上湛甘泉先生題

曰石岡同上

巴陵仙洞 縣西北七十里新豐村洞踞巴陵之巔石磴嶙

峘層疊成崖洞中空廣有石臺可容十餘人洞前一石湫清

泉湧出可取烹茶土人逢佳節攜酒遊玩涇上萬道吉有記

同上

國朝雙鯉塢 在縣西九十里絃歌鄉高可丈許搖之輒動終不

仆下臨大溪溪有二石狀如鯉與水浮沉雖漲不沒故名江南

寧國府志

卷十三

輿地志 古蹟下 三

通志

金墩 縣南十里傳世愈久人民居址日眾朝夕剝削墩不

加少一方異之乾隆府志

科斗文半段碑按縣志作半截碑

三峯菴下橫眠山腰乾隆府志一碑

仆于地字如鳥跡人莫能識相傳有誌數字者雷遂擊去其

擊去之形今尚存太平志

世經軒 麻潭側

自公堂 縣治西

宣詔亭 縣治東

頌春亭 縣治東

中立亭 卽譙樓故址

永寧亭 縣治外

迎秀亭 永寧門外

附

浮邱仙壇 在太平黃山鄉天都峯下舊傳黃帝煉丹于此

與浮邱公同游又有浮邱壇伯游巷鳳皇灘皆故迹云輿地紀勝

伯游者浮邱伯舊游又嘗養鳳皇於此故名洪武宣城志

望仙峯 在黃山相傳黃帝于此上昇人望見之故名周書

異記云黃帝容成浮邱於湯池見珠函玉壺持歸中峯石室

飲甘露瑤漿披霞衣簪寶冠躡珠履光輝山谷須臾黃帝乘

寧國府志

卷十三

輿地志 古蹟下

三三

飛龍前引彩幢珠蓋二人飄然從峯頂上昇羣臣攀龍髯墮

地故下龍鬚巖至今生龍鬚草有望仙鄉康熙府志

按黃帝浮邱成仙之事皆在草昧初開之時書契方興記

載無傳卽後之傳列仙者亦不過附會以爲之說而舊志

引爲可據遂指其地而鑿鑿言之且因黃山產龍鬚草而

更附會于攀髯之說皆爲好奇之過第相傳自昔今姑存

之

寧國府志卷十三

輿地志

冢墓

宣城縣

九女冢

在城北九十里下昭亭鄉嘉靖府志

按九女冢即九女墩見古蹟

蠻王家

在城北五里敬亭山之南同上

謝王墓

在城東南三十里謝村王不知何代人慶元初里人耕地窪陷因掘深得隧道甃以石光瑩可鑿約高四

尺許穴內入室各可容十人中濕淖入者持炬乃可行者伍懼事聞亟掩之同上

按以上三墓舊府縣志皆不載今補入以存古蹟

晉桓簡公墓

在城北五十里符裏鎮今東門渡嘉靖府志作城北八十里焦村又見涇志烏溪按晉書

寧國府志

卷十三

輿地志 冢墓

桓簡請為宣城疏云內外之任並非所堪但以墳栢在此郡欲暫結名義疑其先世葬此乾隆府縣志同

按桓公死義於涇晉書具載其事當以涇志為是

劉宋郡守楊運長墓

在城南六十里象鼻山乾隆府縣志同

唐蔣徵君華墓

在敬亭山下李白弔墓詩云敬亭山下墓知是蔣徵君同上

按蔣徵君係開元間人詳嘉靖府志

白府君墓

在城西白居易兄僑寓沒葬於此同上

按嘉靖府志白府君上有烏江二字

將軍許楮墓

在城南雙羊山原有碑題後碑沉水中舊志載楮將軍墓今仍從碑同上

按嘉靖府志云將軍吳人楮其諱也當以碑為正

南唐魏王徐知證墓

在城南二十里丁山嘉靖府志作西十里舊有碑亭裔孫尚書徐元太撰記後

燬康熙戊申徐氏
子姓重立 同上

按嘉靖府志王以承泰軍節度檢校太傅為宣州刺史真
封於魏諡曰惠云

宣城掾梅遠墓 在古州學址上東南松嶺塘墾界西北望水
周月埂界文計二百一十六弓零二步墓前

有橫碑周顯德五年立覆土
中即墓志遺意 乾隆縣志

按梅遠字維明天祐間節度使王懋章辟為宣州掾值梁
亂不克歸遂家於城東州學之西雍正間有取茯苓者鋤
地得墓誌知為遠墓

〔宋〕宣城王趙師祁墓 在城東南三十里千堆山後裔太守趙瑞
墓附提學御史章衮誌銘 乾隆府縣志

御史郭滂墓 在嶧山下
嘉靖志

寧國府志

卷十三

輿地志 系墓

二

太常李含章墓 在敬亭山西麓又有查宣公墓因
名查山疑即南唐查文輝 同上

尚書梅詢墓 在城東二十五里嶧山
歐陽修誌銘 同上

郡守張果墓 在夏家渡叉路口先在鐵冶冲後徙葬
此康熙中主簿宗泰立碑墓前 同上

太尉高瓊墓 在湖北崑山鄉今羅蕩猶存
坊隅高氏祀為始祖 同上

贈光祿卿高元矩三代墓 在峽石山北萬歷志載廢冢碑仆
地字蹟蝕滅惟額有宋誥封高氏

三代之碑數字或即高惠連之父元矩墓今無後矣後里人
吏部郎高登明考其家譜謂硤石高氏三代墓葬高元矩附
子尚書惠連孫知安南軍器之也元矩工詩不仕以子貴封
光祿卿登明立碑具載其詳萬歷志稱無後誤 同上

修撰吳柔勝墓 在城南四十里小勞山裔孫明知府
吳宗周副使吳大本附葬 同上

按吳柔勝墓有宋文公題碑云嗚呼此安宋偽學黨人吳
公正肅之墓十五字本採訪冊

丞相吳潛墓在隆演山南柿木舖又有

待制貢師道墓在城東北華蓋山附近靈馬

都官梅堯臣墓在城南柏山歐陽修誌銘 嘉

光祿卿楊與墓在城西四十里川

朱勝非墓在漫頭山一名龍頭山有徽猷閣直

右丞相馬廷鸞墓在行廊山歇車原 按廷鸞樂平人

參政魏良臣墓在湖北道山子叔介墓衮山前又有

參政陶熾墓宋理宗勅墓灣

尚書尤袤墓在城東十五里官塘山郡守趙善

唐太嶽墓在小崑山北德祐間官於宣元

寧國府志

卷十三

輿地志 冢墓

三

何氏三魁墓一在新塘一在西嶺一

元學士貢奎墓在城北石馬山中丞馬祖常奉

贈君梅卓墓在城南栢楓山又戶部員外郎梅

尚書汪澤民墓在城南嶧山學士宋濂撰神道碑

明博士吳原頤墓在城東南響

御史洪振玉墓在魯溪

邵守黃榮祖墓在城北敬亭山之麓洪武初守寧國卒於官

尚書陳忠烈廸墓在石塘冲遜國忠紀載家人侯來保拾其

成化間通判陳紀具衣冠葬此 同上

按忠烈二字康熙府志乾隆縣志俱作靖猷從舊謚也

尚書秦達墓

在方山接南陵境同上

太守陳灌墓

在古州學趾灌以守郡家於宣今稱子將舊里子將灌字也乾隆府縣志同

知縣王文質墓

在城西郭外張家壩右子孫家於宣為琴堂王氏同上

諭葬右通政使徐說墓

在城東十里玉山橋同上

諭葬贈光祿忠烈萬琛墓

在城東五十里四望山乾隆府志作十里

諭葬贈太子太保都御史張綸墓

在城北豹山乾隆府縣志同

御史徐祚墓

在界溪西洋山北直籍嘉靖中任南京畿道卒塋於此同上

封副都御史徐衢墓

在黃泥鎮南二十里斗山橋大學士申時行誌銘同上

通政使徐元氣墓

附徐衢墓後吏部尚書徐石麟撰神道碑同上

知州張緯墓

在新豐鎮後里人通政使徐元氣誌銘同上

寧國府志

卷十三

輿地志

冢墓

四

贈中憲大夫梅繼先墓

在城南六十里獨山大學士嚴訥銘同上

寺丞陸槐墓

在城西十里嶸山乾隆府志

按康熙府志及乾隆縣志俱作城西二十里團山

布政使王遵墓

在城東十里夏家渡山乾隆府縣志同

贈知縣沈璞墓

在麻姑山乾隆府志

按康熙府志乾隆縣志俱作四望山北十里泉岡山

諭葬左都御史詹沂墓

在城北二里趙子岡乾隆府縣志同

按神宗本紀左都御史詹沂掛冠去舊志僅書御史非是

誥贈禮部郎中梅繼善墓

在山背大塘冲山同上

誥封明威將軍葉遇時墓

在城西二里霍村冲北同上

淮王典膳梅振墓 在方家冲山 乾隆縣志

尚書徐元太墓 在城東十里華谷村東官園 同上

諭葬侍郎贈尚書張守道墓 在城北十里廟埠 同上

奉政大夫徐楠墓 在水東內二十里禪峰山禮部尚書黃汝良撰墓碑表 同上

理學陳履祥墓 在湖北歷山冲門人劉希向施宏猷具衣冠葬於此立石為記 同上

按康熙府志云墓側有傳經臺

修撰沈懋學墓 在洪林沈祠西南楊壩橋附曾祖謙十左 乾隆府志 縣志作附知縣沈璞墓右

諭葬贈榮祿大夫登萊總兵沈有容墓 在城西祈雨墩 乾隆府志

諭祭誥授驃騎將軍耿宗元墓 在城南張義岡 同上

諭葬忠節興都留守沈壽崇墓 在城東沈村埠 同上

寧國府志

卷十三

輿地志 冢墓 五

徵君沈壽民墓 在城南雙羊岡 同上

處士吳肅公墓 在城南響山 同上

給事姜琛墓 在敬亭山趙子岡子安節耐葬 國朝刑部尚書姜晟捐買剪姚村祀田三十餘畝嚴禁盜賣

國朝左都御史梅銷墓 在城北敬亭山峰 乾隆府志

諭葬工部侍郎阮爾詢墓 在城北趙子岡 同上

累贈左都御史徵君梅文鼎墓 在城東南五十里獨山 同上

侍讀施閏章墓 在城東南二十里螺螄冲 同上

南陵縣

晉孝子何琦墓 在縣西大王冲巫春山 乾隆府志雍正縣志同

宋學士徐勣墓 在縣西三里內翰山一名白石山 同上

孝子李經墓 在縣西三十里工山麓山巔有忠孝祠山腰有池曰龍池 同上

元忠義張國岡墓 在二十九里三崙五甲有碑 同上

明勅葬忠臣僉事吳景墓 在縣西北麥園嘴 同上

侍郎丁鎡墓 在縣西六十里大王冲 同上

涇縣

漢楚王墓 在縣南十里江村俗謂蠻王家或云即吳王濞案史漢函首京師不應葬此惟有楚王英坐罪廢徙涇自殺詔以禮葬然史又稱英徙彭城疑並誤 乾隆府志

孫吳魯肅墓 在縣南八十里齊雲山左相傳有農夫鋤地得半截古碑曰魯肅墓遂名其地為魯家坪 乾隆府志

按魯肅墓在鎮江府城東何緣涇又有之疑誤

寧國府志

卷十三

輿地志 冢墓

縣令陳焦墓 在漆林渡康瑯山 乾隆府志 錢志同

按輿地紀勝載墓在縣西南桃花潭北嘉靖府志及鄭志本此而康熙志謂在藍山坑與舊志錢志又不同蓋其地三處相去皆不遠也

晉內史桓彝墓 在縣東三十五里烏溪墓側有祠明知縣李鸞建又云在宣城符裏鎮 同上

按桓公墓宣涇兩縣並載以晉書考之在宣城符裏鎮者

當係桓公祖墓

征西將軍俞縱墓 在縣東南八十里蘭石坑 同上

唐詩人羅隱墓 在縣東七十里湧溪雙嶺傍有大盤石覆其上碑曰唐詩人羅隱之墓 嘉靖府志 乾隆府志

志同

按隱餘杭人墓卽在甯江見吳越備史及吳任臣十國春秋等書今貴池及此縣皆有隱墓誤也與地紀勝亦仍地志之誤

香心夫人梅氏墓 一在縣南七里碎石橋香心廟後一在縣東蜈蚣岡莫兒橋 乾隆府志 錢志同

宋工部侍郎凌策墓 舊在縣西劉遺民釣臺左萬歷中遷縣二里凌家園碑銘具存 同上

按嘉靖府志凌之先祖葬此其後始生侍郎云

少師汪澥墓 在縣溪西五里奉勅營葬其祠堂曰等相菴 嘉靖府志

按舊府志及錢志俱作水西白雲坑鄭志作水西錢衝有

學士汪藻撰神道碑銘

尚書劉琦墓 在閩山之南碑存又涇川志載劉尚書祖墓在榔山 嘉靖府志 乾隆府志 錢鄭二志同

寧國府志 卷十三

朝議大夫趙不吝墓 在水西白雲菴左後遷縣東十里榔樹口 乾隆府志 錢鄭二志並同

按康熙府志云不吝宋太宗六世孫

京兆尹左彥武墓 在縣北三里下幕之原 乾隆府志 縣志同

孫龍圖墓 在縣西七十里九里潭 乾隆府志 寺後有古碑 乾隆府志

元建康廉訪副使洪文廣墓 在新豐都 乾隆府志 縣志同

明江西巡撫都御史董傑墓 在縣西鳳凰山尚書楊廉撰神道碑 鄭志 乾隆府志同

應天府尹鄭欽墓 在縣東六十五里 乾隆府志 錢鄭二志並同

戶部侍郎諡定肅蕭彥墓 在幕山有大學士許國神道碑 同上

南吏部侍郎贈右都御史趙士登墓 在水西崇寧塔前 乾隆府志 錢志同

通政使司趙健墓 在縣西南五十里李村 乾隆府志 錢志同

寧國縣

唐 魯王梅知巖墓 在縣北二十五里舊墓桃源渡北岸菴頭後因水漲移墓下壁山 乾隆府縣志同

宋 學士虞光墓 在縣西十里溪碧山 同上 侍郎虞儔墓 在縣東南五里同上

尚書胡季虎墓 在縣東七十里彭家塢墓表誌勅現存 同上

司徒胡用虎墓 在縣北二十里胡村 嘉靖府志 乾隆府縣志同

宣義一作宣教郎虞倬墓 在縣東二十里薛家橋右 乾隆府縣志同

節度使萬文勝墓 在縣東七十里深渡塔 同上

大理奚士遜墓 在縣東許花村 乾隆府志

教授奚士達墓 在縣東冷渡 同上

處士吳元用墓 在縣東百三十里千秋關下道山 乾隆府縣志同

寧國府志

卷十三

輿地志 冢墓

八

仙都巡檢使墓 在縣東百二十里茅里舊志作雲梯誤昔元兵發之見鈎聯鎖骨異之復掩藏焉 同上

參政饒虎臣墓 在縣北三十里管村 乾隆府志

明 憲副許汝驥墓 在縣西百一十里陳村子憲副成器墓在金沙 乾隆府縣志同

僉憲朱一松墓 在縣東一百里舊作六十里誤縣志云地名十都劉姓對山

參憲黃一騰墓 在縣西六十里老墳邊 乾隆府縣志同

侍郎屠羲英墓 在縣南十里雞籠塢 同康熙志作墓在鳳山

中丞仙克謹墓 在縣東百二十里霍家邊 同上

旌德縣

漢 兗州刺史蔣元卿墓 在十都鳧山右麓縣志載元卿名詔上人立廟青口下祀之每歲旱祈禱有應

翰林修撰蔣超為撰 廟碑 乾隆府志

梁程廂使墓

在縣西六十里石柱山下居民多程氏俗傳程靈洗之裔也 嘉靖府志

按乾隆府志載墓在紅溪山南而江南通志又載靈洗墓

在歙縣黃半山未知孰是

明侍郎郭建邦墓

地名舊志缺 乾隆府志

按侍郎墓在十五都鳳形山

太平縣

唐左難當墓

在龍山鄉松子嶺 乾隆府志同

學士胡輝墓

在縣南碧山輝與李白友善嘗贈聯云溪水流聲十里笙歌從地出山峰拱秀千年圖畫自天

香同上

宋麻丞相墓

闕名在麻水側明萬歷間里人胡氏卜墓開土見碑遂止今世祀之 同上

參知政事李回墓

在廣仁寺後華表現存 同上

寧國府志

卷十三

輿地志 冢墓

九

文學劉逸墓

嘉祐中詹承宗為墓碣曰鄉賢劉文學之墓地名舊志缺 同上

通判湯璉墓

在絃歌鄉由秋浦遷宏潭為湯氏始祖墓姚六凹 同上

進士陳僕墓

在椒坑口僕由祁門遷太平隱黃山為西二及城內陳氏始祖 同上

元帥李誠墓

在絃歌鄉墓田塢 同上

明太常周怡墓

在城西七里曹冲口祭酒姜寶誌銘 同上

御史崔涯墓

在縣西木瓜坑 同上

右前賢冢墓悉照舊志登載間增一二亦依嘉靖舊志暨

縣志為據採訪冊概不掇錄以宣州文物之區名人顯宦

堂斧馬鬣纍纍穹巖秀谷間採訪諸君恐亦不能遍及若

據所採增入不貽掛漏之誚即近偏徇之嫌寧從其隘諸

君子尚其諒之

寧國府志

卷十三

輿地志 冢墓

十